



## Te whakatipu rīwai ki roto i tētahi pākete

Ka taea e koe te whakatipu i āu ake rīwai ki roto i tētahi pākete...  
e 60 - 70 rā te roa kātahi ka āhei koe te hauhake i o rīwai.

### Me whai koe:

- I tētahi pākete
- 1 te kākano rīwai
- Wairākau, oneone rānei

### Ngā tohutohu whakatō:

1. Me mātua whakarite kei te torohī o kākano rīwai i mua i te whakatōhanga. Ki te kore he torohī tērā pea ka roa te wā e tīmata ai te tipu nō reira me waiho ki runga i te papa wini kia torohī mai.
2. Weroa he puare ki raro i te pākete hei tātari wai. Mā tētahi pakeke e mahi i tēnei. Ka taea tēnei mā tētahi nēra me te hama.
3. Raua kia rahi ngā onemata maroke ki roto i te pākete kia hautoru tōna kītanga.
4. Peia kia kotahi te rīwai kākano ki te pākete kotahi, ā, kia 1 henimita te taupoki ki te oneone.
5. Me putu he wai ki te oneone kia pūwai ai. Kotahi te kapu wai e hiahia ana. Me pūwai noa iho te oneone, kua kia tino māku. Kua e tino nui te wai mō te rīwai, engari anō ka tipu haere ngā tipu o runga.
6. Raua te pākete ki roto i tētahi wāhi mahana, e whītingia hoki e te rā. Me pā ngā tipu ki te rā - pai noa iho te waiho ki rō whare i te taha o te wini, ki waho rānei. Ka tāoro pai ngā tipu i waho ki te rā engari nā te mea kei te whakatipu koe i te wā o te takurua me rō whare i te pō.
7. Me haumarua ngā rīwai mai i te hukapapa nō reira me heri mai e koe ki rō whare ia pō. He mea waiwai tonu kia kua e hukapapatia ngā tipu.
8. Ina pihia ake ngā koeata, me whakarite kei te noho māku te oneone engari kia kua e māku. Ki te nui rawa te wai kei runga me heri atu kia whitingia e te rā, ā, kua he wai atu anō ki runga kia pūwai ai. Ki te nui rawa te wai ka akitōtia te tipu.
9. Ina mate haere ngā tipu o runga kua pai ngā rīwai mō te hauhake. Āhua 60-70 ngā rā mō tēnei.



## Te whakatipu i o rīwai...

Me whai awatea, wai, kai, wāhi, hau me te pāmahana tika kia tino pai ai te tipu o ngā tipu.

**Awatea:** E hiahia awatea ngā tipu hei tipu, nō reira me mātua waiho o rīwai ki tētahi wāhi e whiti ana te rā.

**Wai:** E hiahia wai ana ngā rīwai hei tipu. Me mātua whakarite kia kua e nui rawa tō whāngai wai kei waitau. Me whakarite kei te pūwai te oneone, me whāngai ki te wai ia 3-4 rā.

**Kai:** E hiahia ana ngā rīwai hei tipu: ka ahu mai tēnei mai i ngā whakamōmona i roto i te oneone. Me whai te wairākau i ngā mea katoa e hiahia ana e o rīwai. Tērā pea ka hiahia koe ki te tāpiri atu anō i ētahi atu kai tipu. Ki te pēnei koe, āta pānuitia ngā tohutohu.

**Pāmahana:** Ko te pāmahana pai mō te whakatipu i o rīwai he 10 - 15 °C.

**Wāhi:** Ko te nui o te wāhi ki te tipu ko te painga atu tēnā - nō reira ahakoa e tuku tohutohu ana mātau ki a koe mō te whakatipu ki roto i te pākete he pai ake mēnā ka whakatipuhia e koe ki roto i te māra - engari kāore e taea i te takurua engari mēnā ka haumarutia e koe mai i ngā hukapapa. He pai ngā pākete mō te takurua.

